



ZAPISNIK

Sa 13. sjednice Općinskog vijeća Maglaj
održane dana 28.12.2017.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 20.12.2017.godine, Programa rada Općinskog vijeća za 2017. godinu i ukazane potrebe otvaram 13. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Buljubašić Musafa, Bešić Mustafa, Delić Fikret i Bašić Kanita.

Poziv za sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozvikom vijećnika utvrdimo broj vijećnika na 13. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan Josip Jurišić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 12. redovne sjednice Općinskog vijeća.

Da li ima primjedbi na zapisnik sa 12. redovne sjednice?

Nije bilo primjedbi, jednoglasno je verifikovan zapisnik sa 12. sjednice Općinskog vijeća.

Otvaram raspravu po pitanju dnevnog reda. Da li ima prijedloga za proširenje dnevnog reda?

Vijećnik Safet Jašić, što se tiče dnevnog reda, nemamo prijedloga za proširenje, ali ispred Kluba SDA želim istaći da se stalno, čak je i praksa postala da materijali dolaze na samoj sjednici Vijeća, 12 sati prije sjednice, u svako doba dana i noći itd. Mi smo na Kolegiju se izjasnili da tražimo printani materijal i ubuduće da to tako stoji. Ovo sam iznio iz razloga kad je u pitanju tačka dnevnog reda vezano za Veterinarsku stanicu. Mi smatramo da o ovom materijalu nismo imali vremena da se pripremimo, mailom je došlo nekad sinoć kasno, sad smo dobili printani materijal, mi predlažemo da se ova tačka skine s dnevnog reda.

Predsjedavajuća OV, ja ću vas podsjetiti na zaključke Kolegija koje smo zajedno donijeli kad je u pitanju materijal JP «Veterinarska stanica». Ako treba možemo i zaključke Kolegija dostavljati za vaš klub.

Vijećnik Safet Jašić, ja sam rekao da sam sad dobio materijal, a nije niko iz Kluba dobio materijal ne samo ja. Mi nismo pripremljeni za ovu tačku dnevnog reda i mi predlažemo da se ista skine s dnevnog reda.

Predsjedavajuća OV, dajem na glasanje ponuđeni prijedlog dnevnog reda koji je došao u sazivu.

DNEVNI RED

1. a) Prijedlog Budžeta/Proračuna Općine Maglaj za 2018.godinu;
b) Prijedlog Odluke o izvršavanju Budžeta Općine Maglaj za 2018.godinu;
2. Odluka naknade o visini i načinu isplate naknada općinskim vijećnicima, predsjedavajućeg, zamjenika predsjedavajućeg /dopredsjedavajućeg i Komisija Općinskog vijeća;
3. Nacrt Strategije razvoja Općine Maglaj 2012-2020. godine – revidirana za period 2018.- 2020. godina;
4. Prijedlog o donošenju Odluke o usklađivanju organizacije i podataka od značaja za pravni promet JP «Veterinarska stanica» Maglaj i organizovanja JP «Veterinarska stanica» Maglaj u d.o.o. sa Zakonom o javnim preduzećima u FBiH;

5. Prijedlog Odluke o zamjeni nekretnina u predmetu Mašić (Salih) Ševala;
6. Prijedlog Odluke o osnivanju zdravstvenog savjeta;
7. Prijedlog Godišnjeg plana potencijalnih projekata JPP-a za 2018. godinu;
8. Informacija o realizaciji zaključaka OV sa Tematske sjednice;
9. Informacija o efektima provođenja Odluke o komunalnim taksama i tarifi taksa na istaknutu firmu i drugih komunalnih taksa u dijelu Starog grada, općine Maglaj;
10. Informacija o provedenoj obaveznoj preventivnoj sistemskoj deratizaciji, dezinfekciji i dezinsekciji na području općine Maglaj – jesenja faza 2017. godine;

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici,

Glasalo 11glasova protiv: Adis Abdurahmanović, Nedžad Alispahić, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović, (SDA) samostalni vijećnik Mustafa Buljubašić.

Vijećnik Mustafa Bešić, što se tiče ove tačke za koju je vijećnik Safet Jašić govorio, istog smo tog stava mi nismo dobili materijal na vrijeme, hoćemo da znamo o čemu se radi i ubuduće da se materijali dostavljaju na vrijeme.

Predsjedavajuća OV, ukoliko ima zainteresovanih za raspravu po pojedinim tačkama dnevnog reda prijave možete uzeti i prijaviti se, diskusije po pojedinim tačkama su 3 minuta, molim da se pridržavate tog vremena. Prijavio se Nalić Semiz za raspravu po pitanju tačke 1. dnevnog reda. Molim vas da se izjasnite da li ćemo istovremeno raspravljati i pod a) i b).

AD – 1 a) Prijedlog Budžeta/Proračuna Općine Maglaj za 2018.godinu;

b) Prijedlog Odluke o izvršavanju Budžeta Općine Maglaj za 2018.godinu;

Vijećnik Hajrudin Ferić, nemam ništa protiv da se raspravlja o obje tačke dnevnog reda, ali da nam se navede koliko imamo pravo diskusije po obje tačke.

Predsjedavajuća OV, jedna je tačka dnevnog reda dogovoreno je da ide 6+3 minute po diskusiji. Rasprave da se vode pod a) i pod b) a zaključke i izjašnjavanje ćemo vršiti odvojeno.

Senada Alibajraktarević, uvodno izlaganje po pitanju Budžeta Općine Maglaj za 2018. godinu i Odluke o izvršavanju Budžeta Općine Maglaj za 2018. godinu.

Otvorena je rasprava

Vijećnik Elvir Vehabović, izašao sam da ne bi bilo zabune vezano za JU Dom zdravlja , pošto je rečeno da će se iznos za vakcinaciju sa 20.000 KM skinuti na nulu, da ne bi bilo zabune da neće biti vakcinacije. Vakcinacija se finansira od strane Zavoda zdravstvenog osiguranja ZDK i ja bi bio u mogućnosti pravdati ta sredstva koja bi dobio od Općine. Povećanje u iznosu od 50.000 KM koje je dobila JU Dom zdravlja Maglaj, ja sam na prošloj sjednici u Nacrtu Budžeta iznio koliko je novca potrebno za rad SHP...

Vijećnik Hajrudin Ferić, želim da iskoristim poslovničku mogućnost da prije izjašnjavanja postavim nekoliko pitanja kako bi mi pomoglo da se i izjasnim. Postavit ću 4-5 pitanja, ne mora odmah da mi se odgovori, nego nakon rasprave da konačno mogu da se izjasnim.

Zahvaljujem se doktoru Vehaboviću koji mi je već dao odgovor na ovo moje pitanje.

1. Da li su projicirana konkretna sredstva za izgradnju gradskog groblja i pod kojom stavkom?
2. Da li su projicirana sredstva za podršku radu organa mjesnih zajednica veća nego do sad?
3. Zašto JU Dom kulture nema stavke za plaće?
4. Zašto u stavci sufinansiranje su dvije privatne predškolske ustanove, a nisu u subvencijama privatnim preduzećima?

Vijećnik Edib Delić, Klub vijećnika SDA je razmatrao prijedlog Budžeta Općine Maglaj za 2018. godinu o donio određene zaključke kad je u pitanju prihodovna i rashodovna strana. Malo prije smo u uvodno izlaganju gospođice Senade čuli sve primjedbe i prijedloge koje su ušle u ovaj prijedlog Budžeta i da prijedlog SDA koji je dostavljen u pisanoj formi nije ušao u razmatranje kad su u pitanju primjedbe na Nacrt Budžeta.

Klub vijećnika SDA sa zadovoljstvom konstatuje da su naše primjedbe i sugestije koje smo iznijeli za Budžet 2017. godine uvažene kod izrade prijedloga Budžeta za 2018. godinu. Kada su u pitanju pozicije za povećanje sredstava za poticaje u poljoprivredi i kada je u pitanju povećanje sredstava za sport, a koje za 2017. godinu nisu prihvaćene samo zato što ih je predložio Klub SDA.

- Klub vijećnika SDA prijedlog Budžeta Općine Maglaj za 2018. godinu ocjenjuje kao politički i i predizborni Budžet.

Naš stav je da je plan prihoda za 2018. godinu nerealno planiran, te da isti treba smanjiti za iznos od 421.449,83 KM, te predlažemo da se prihodi smanje na slijedećim ekonomskim kodovima.

Ekonomski kod 714111 Porez na imovinu u Nacrtu Budžeta planirano 200.000,00 KM, predlažemo smanjenje od 150.000,00 i da prijedlog bude 50.000,00 KM.

Ekonomski kod 714131 Porez na promet nepokretnosti fizičkih lica u Nacrtu je bio 200.000,00 KM, u prijedlogu je ostao isti i predlažemo da se smanji za 50.000,00 KM, da krajnji prijedlog bude 150.000,00 KM.

Ekonomski kod 722322 Komunalna naknada za istaknutu firmu, planirano je 350.000,00 KM, mi predlažemo smanjenje od 50.000 KM da konačni prijedlog bude 300.000,00 KM.

Ekonomski kod 722434 Općinske naknade KGZ planirano 671.449,83 KM, mi predlažemo smanjenje od 17.449,83 KM, i da prijedlog bude 500.000,00 KM.

Prijedlog smanjenja prihoda temeljimo na izvršenju Budžeta za prvih 6 mjeseci u 2017. godini, a očigledno je da su planirani prihodi na ekonomskom kodu 722434, Općinske naknade KGZ, nerealno planirane, obzirom da je sigurno da je 2018. godini je nemoguće očekivati da se ostvare ovi prihodi pošto više nema firmi koje duguju velike iznose po ovom osnovu, kao što je to u prethodnom periodu bila «Elektrodistribucija» Zenica.

Ja sam iznio prijedloge zaključaka SDA kad je u pitanju prihodovna strana, kad su u pitanju rashodi moje kolege će dalje iznijeti zaključke.

Vijećnica Šefka Hasanić, Jučer je upućen zahtjev Kluba SDA da se dostave zahtjevi sa javne rasprave, pristigli prijedlozi za uvrštavanje u Budžetu za 2018. godinu. Dio obrazloženja smo čuli od šefice Službe međutim, nismo čuli razloge za neuvrštavanje stavki koje su stigli po prijedlogu Budžeta. Isto tako predlažemo da za narednu godinu prije prijedloga i sjednice dobijemo u pismenoj formi koje su se stavke u odnosu na nacrt promijenile, ono što je šefica prezentovala usmeno.

Slijedeću stavku koju predlažemo smanjiti stavku analitički dio 613120 putni troškovi u inostranstvu sa 20.000,00 KM na 10.000,00 KM, te sredstva rasporediti na analitički kod 614311 Tekući transferi neprofitnim organizacijama 103 Osnovna škola «Maglaj», prema istom iznosu kao i za srednje škole koji je planiran u Budžetu, znači da sve tri osnovne škole budu planirane u iznosu od po 3.500,00 KM. Da ne ostanemo samo na priči i da prostor Općinskog vijeća koristi se za političku promociju, organizaciju Tematsku sjednicu OV na temu obrazovanja, izdvajanjem ovih sredstava iz Budžeta je konkretna prilika da se poboljša rad osnovnih škola i da održana Tematska sjednica ne ostane samo slovo na papiru, nego da i finansijski pomognemo i podržimo obrazovanje...

Slijedeća stavka za dva analitička dijela koji se odnose na 613912 planirano 15.000,00 KM, pozicija 613915 ostale stručne usluge izrade reklamnog materijala 10.000,00 KM, što ukupno iznosi 25.000,00 KM. Ako uzmemo izvršenje u obzir za 2016. godinu koje je bilo 94,94% ili 3.797,67 u odnosu na 4.000,00 KM planiranih i činjenicu da smo ove godine izradili sve ulične natpise, pa pretpostavljam da za iste praznike u idućoj godini nećemo opet izrađivati iste ulične natpise. Smatramo da bi realno plan bio 5.000,00 KM na oba analitička dijela, a višak planiranih sredstava na ovim analitičkim dijelovima prebaciti na analitički dio 613728 član 179. Zakona o zaštiti i spašavanju, gdje bi planirali vlastita sredstva iz Budžeta za namjenu zaštite i spašavanja, ta planirana sredstva ne bi iznosila 30.000,00 KM, nego 50.000,00 KM.

Analitički dio 58 Sredstva Budžeta Općine, transfer pojedincima finansiranje fasada na stambenim zgradama u užem gradskom jezgru da se izbriše ili doda novi naziv koji će glasiti Transfer pojedincima sufinansiranje sanacije fasada na stambenim jedinicama, gdje će priliku na javne pozive koji budu oglašavani po pitanju ove tačke imati priliku da apliciraju svi građani ove općine, ne samo iz užeg gradskog jezgra jer prihod u Budžet ostvaruju svi građani općine Maglaj.

Analitički dio 118 Sredstva iz Budžeta Općine Maglaj civilna udruženja, da se sredstva za ostala civilna udruženja, pored napomene da su opredijeljena za obilježavanje tradicionalne manifestacije «Put spasa» u iznosu od 2.000,00 KM, da se dodaju i ostala udruženja kao što su Udruženje građana «Umero» sa 5.000,00 KM, UG «Cicmanka» sa 2.500,00 KM, UG «Za borbu protiv dijabetesa» Maglaj sa 1.500,00 KM. Znači višak sredstava će se namiriti sa ove pozicije Troškovi putovanja u inostranstvo...

Vežano za namjenska sredstva koja se prikupljaju po osnovu poreza na plaću analitički dio 719114 poseban porez na plaću, zaštitu i spašavanje od prirodnih i drugih nesreća u prihodovnoj strani iznosi 0 KM, na rashodovnoj strani taj iznos iznosi oko 72.000,00 KM, ako nemamo prihoda, kako ćemo planirati i rashode.

Vijećnica Selma Avdić, 613728 podkategorija II Hitne mjere koje se provode na sanaciji posljedica od prirodnih i drugih nesreća planiran iznos od 32.000,00 KM.

613900 podkategorija 12. Transfer za obuku i vježbe OŠCZ službi ZIS i povjerenika CZ 0,5% sredstava planiran iznos od 5.000,00 KM.

613991 podkategorija 14 Provođenje preventivnih mjera prirodnih i drugih nesreća član 184. u iznosu od 10.000 KM sa zahtjevima od 67.000,00KM a prihodi nam iznose 0 KM. Prihod na ovoj poziciji su bili 47.000,00 KM još 2010. godine, a od tada na općini imamo sigurno uposlenika više pa prema tome i prihod na ovoj stavci treba bi biti veći.

Koliki će biti prihod od namjenskih sredstava u 2017. i 2018. godinu i kako će biti projekcirano u Budžetu za 2018. godinu?

Na analitičkom dijelu 601 Sanacija klizišta da se briše ili da se razdvoje dvije cjeline namjenska i sopstvena sredstva, pa da u Budžetu za 2018. godinu sopstvenim sredstvima ostane 50.000,00 KM.

Prema članu 179. Zakona o zaštiti spašavanja Općina je obavezna planirati sredstva na analitičkom dijelu 613728 podkategorija I, planirati sredstva u iznosu od 55.000,00 KM u odnosu na prijedlog od 30.000,00 KM.

Analitički dio 613991 podkategorija 4 Aktiviranje i izrada plana zaštite i spašavanja od prirodnih i drugih nesreća 10.000,00 KM, već treću godinu imamo planirana a neutrošena sredstva, a znamo da smo plan usvojili u prethodnom mandatu. Također izrada drugog dokument plana od prirodnih i drugih nesreća izrađuje Služba Civilne zaštite a usvojen, Općinski načelnik što je definisan u Zakonu o zaštiti i spašavanju kao i članu 63. Odluke o izvršenju Budžeta. Ista ova primjedba se odnosi na analitički dio 613991 podkategorija 20 gdje su planirana sredstva u iznosu od 5.000,00 KM. Sredstva navedena analitička dijela u iznosu od 15.000,00 KM opredijeliti na preventivne mjere za zaštitu od poplava. Koliko će biti prijenos ovih namjenskih sredstava za 2017. i 2018 godinu i kako će biti projekcirani u Budžetu za 2018. godinu? Uz Izvještaj o izvršenju Budžeta za 2018. godinu dostaviti izvještaj o utrošku sredstava za posebne namjene kao i godišnji plan utroška sredstava. Također sugestija Službi da bi trebalo reorganizovati stavku u Budžetu prema zadnjim izmjenama i dopunama o ZIS-u prema članu 104. pomenutog Zakona da se iz ovog sredstva finansiraju stavovi pod 2 i 7.

Vijećnik Nedžad Lokmić, mi smo na Klubu SDP-a analizirali prijedlog Budžeta, već na Nacrtu Budžeta imali smo prijedloge tako da ih nećemo taksativno nabrajati.

Nakon provedenih aktivnosti oko izrade Nacrta Budžeta Općine Maglaj za 2018. godinu, koje je Općinsko vijeće usvojilo na svojoj 12. redovnoj sjednici od 05.12.2017.godine pristupili smo izradi prijedloga Budžeta za 2018. godinu.

Na istoj sjednici donijeli smo zaključak da se u obzir uzmu sve sugestije koje su iznesene na sjednici OV, pa je zadužena Služba za privredu, finansije i razvoj poduzetništva da zajedno sa Načelnikom provedu javnu raspravu u određenom roku koji je ispoštovan...

Vidimo da nakon sumiranja svih prijedloga i primjedbi Budžet Općine Maglaj za 2018. godinu u formi prijedloga iznosi 7.911.755,00 KM, što je u odnosu na predloženi nacrt Budžeta veći iznos od cca 21.000,00 KM, odnosno 0,27%.

Ovim putem izražavamo nadu da će se ako ne svi, barem većina tih prijedloga i realizirati.

Stav Kluba vijećnika SDP-a je da je Budžet rađen i projiciran bez rastrošnosti, poštujući sve pozitivne zakonske propise i akte. I dalje vjerujemo i optimistični smo glede toga da će ovo zasigurno biti Budžet koji će barem djelimično doprinijeti razvoju općine, a možda i otvaranju novih radnih mjesta i novih investicija. Nastojalo se da se sve inicijative koje su pozitivne i dobre a koje bi mogle doprinijeti razvoju poslovno investicijskih ulaganja...

Klub SDP-a će podržati prijedlog Budžeta za 2018. godinu, kao i prijedlog Odluke o izvršavanju Budžeta za 2018. godinu.

Vijećnik Safet Jašić, ja sam pratio i evidentirao prijedloge sa javne rasprave kada je gospođica Senada to čitala i nisam primijetio ni jednu stavku gdje je uvažen prijedlog Kluba SDA koje smo uredno dostavili na samu javnu raspravu.

Iz tog razloga Klub SDA neće podržati ovaj Budžet, a tražit ćemo objašnjenje zašto se ovako odnosi prema Klubu SDA i prema prijedlozima Kluba SDA...

Vijećnik Adis Abdurahmanović,

Stav Kluba vijećnika po prijedlogu Odluke o izvršenju Budžeta Općine Maglaj je da Klub vijećnika SDA predlaže da se odbije prijedlog Odluke o izvršenju Budžeta Općine Maglaj za 2018. godinu, obzirom da po istoj ne treba ni raditi Općinsko vijeće i da se sve nadležnosti daju Općinskom načelniku, kao primjera radi član 22. ove Odluke u kojoj se navodi: «Ako se u toku godine na osnovu propisa smanji nadležnost budžetskog korisnika, zbog čega se smanjuju i sredstva ili ako se ukine budžetski korisnik, neutrošena sredstva za njegove rashode i izdatke prenose se u tekuću budžetsku rezervu, ili budžetskom korisniku koji preuzima njegove poslove o čemu odluku donosi Općinski načelnik».

Mi smatramo da se u ovakvim slučajevima mora donijeti Rebalans Budžeta koji mora usvojiti Općinsko vijeće, a ne da Odluku donosi Općinski načelnik i obavezno u zakonitoj proceduri, a ne na nezakonit način.

Ni uz ovu Odluku nismo dobili izvještaj sa održane javne rasprave u kojem bi bile navedene sugestije, primjedbe i prijedlozi koji su izneseni u javnoj raspravi i koje su uvrštene u prijedlog odluke.

Vijećnik Mustafa Bešić, Ovom prilikom želim postaviti pitanje predstavnicima udruženja i tražim da odgovore šta su do sad radili, gdje su pare trošili. Ovo što pričam ne pričam samo kao vijećnik, govorim i kao RVI. Mi smo u proteklom periodu imali dosta aktivnosti i svi ste upoznati o tome. Išli smo po raznim skupovima, gdje nas niti jedno udruženje nije podržavalo. Ne vidim razloga da mi vas podržimo kroz ovaj Budžet...

Ako imate kvalitetan odgovor gdje trošite pare, šta radite, šta planirate ako nam ne dadnete odgovore, mi vas nećemo podržati. Molim odgovor prije glasanja o Budžetu.

Vijećnik Fikret Delić, ja sam i na prošloj sjednici se dotakao udruženja, a sad ću pročitati Zakon o udruženju BiH, član 46. se kaže da se udruženja finansiraju od članarina. U članu 38. Zakona FBiH o udruženjima isto se kaže da udruženja i fondacije se samofinansiraju. To je jasno propisano zakonom...

Vijećnik Safet Jašić, nije replika, ali ne možemo jednostavno preći preko odluke i zahtjeva kad su udruženja u pitanju, posebno boračka udruženja. Poštujem sve i svaki zakon, ali boračka udruženja imaju poseban status i ona se ne svrstavaju pod ostala udruženja. Ne želim nikog da branim, svi smo mi borci, hoću da kažem da boračka udruženja treba da postoje i treba da se finansiraju kao i u svim drugim općinama.

I ranije u svim svojim mandatima sam tražio da treba svako da pravda potrošena sredstva, neka pravdaju sva i civilna i boračka udruženja...

Vijećnik Fikret Delić, mi smo prošlu sjednicu tražili da se ispoštuje odluka Općinskog vijeća gdje smo donijeli odluku ukoliko do nove godine ne budu skupštine raspisane i održane, da se prestane finansirati i da se ide na formiranje jednog boračkog udruženja. Ja nisam ni jedan momenat pomenuo da se ukine niti jedno boračko udruženje, ali sam pomenuo da tri osobe mogu registrovat udruženje i doći ovdje na Budžet. Tražili smo formiranje na maglajskoj općini jednog boračkog udruženja i dok to se ne dogodi da se obustavi finansiranje ovih udruženja, da se ispoštuje odluka OV i da se obustavi. Nisam ni jedan momenat spomenuo da se ukinu udruženja...

Vijećnik Hajrudin Ferić, ja ću se osvrnuti i na prijedlog Budžeta i prijedlog Odluke o izvršenju Budžeta.

Činjenica je da je u prijedlogu Budžeta planirano 4.037.400,00 KM poreskih prihoda. U poreske prihode spadaju i porezi od PDV i ovi od Direkcije za ceste, naravno i ovi direktni porezi itd. Kad se uzme u obzir ovih 4 miliona poreskih prihoda, grubo raspoređujući koji sve troškovi se mogu finansirati koji nam dođu, su sve plate sa naknadama u administraciji, svi troškovi finansiranja JU i JP i sa plaćama i sa naknadama UO. Kompletno Općinsko vijeće, svi troškovi OV, naknade za rad političkih partija i komplet OIK u izbornom periodu. Ukupno sportske aktivnosti, ukupno za sve sanacije, rekonstrukcije puteva, ukupno za ekologiju, za javnu rasvjetu, za troškove zgrade Općine i opreme i sredstava u samoj Općini. Ono što ostane 3. miliona i 600 KM, imamo milion i 300 namjenskih sredstava iz tekućih kapitalnih transfera Federacije i ZDK. Ona iznose oko 1.300.000,00 KM i ovo što je meni malo indikativno, relativno su mala planirana sredstva. Ostane nam u Budžetu oko 2,3 miliona i to za ove stavke za obrazovanje, kulturu, zapošljavanje mladih, za podršku razvoju industrijsko poslovnih zona, za udruženja građana, za poboljšanje javnog reda i mira, aktivnosti mjesnih zajednica, za socijalne i humanitarne projekte, za projekte vodosnabdijevanja itd. Ove brojke govore o tome da su nam potrebni dobri programi utroška sredstava koji će voditi računa o prioritetnim potrebama kako općine u cijelini, tako i mjesnih zajednica. Programi se moraju raditi i nuditi općinskom vijeću blagovremeno a na bazi preciznih i realnih parametara, bez uticaja sitnih političkih kalkulacija koje realno govoreći vode u propast...

Potrebni su nam planovi, programi, strategije, vizije, smjernice, kriteriji. Potrebno je da svi koji barataju budžetom, od vijećnika do portira u javnoj ustanovi, ili nekom drugom udruženju građana moraju podnositi izvještaj o utršku dodijeljenih budžetskih sredstava. Budžet nije ni moj, ni Službe za finansije, već nam je dat da upravljamo s njime na najbolji način i u interesu zajednice onako kako je Zakon propisao. Zato trošenje tih sredstava mora da bude i transparentno...

Kad je u pitanju prijedlog Budžeta za 2018. godinu mi u DF smo relativno zadovoljni ovim brojkama. Nama je izuzetno stalo da se nastavi sa započetim aktivnostima, kampanjama, projektima i subvencijama za volontiranje mladih, za stipendiranje učenika i studenata, za programe zapošljavanje, za mlade, za planiranje za sredstva za izvođenje javnih radova demobilisanih nezaposlenih boraca i socijalno ugroženih kategorija, kao i javnih radova po mjesnim zajednicama. Stalo nam je a to već i na u ovom prijedlogu Budžeta da se nastavlja sa projektom energetske efikasnosti zgrada zajedničkog stanovanja. Osim što je dobro da taj projekat nastavi dalje, dobro je i da se popravljaju taj urbanistički, arhitektonski ambijent samog užeg gradskog područja, ovih zgrada jer su zaista oštećene u ratu i gdje su stanari socijalne kategorije i teško mogu da sami izfinansiraju tu izgradnju...

Zatim kampanja izbora najljepše bašte, balkona, da konačno počnemo sa subvencioniranjem makar jednog obroka u školama za učenike iz porodica koji žive u stanju socijalne potrebe, te da se povećaju sredstva za subvencioniranje komunalnih i drugih troškova penzionera sa najnižim primanjima ili onih penzionera koji su u stanju socijalne potrebe. Stalo nam je da usluge logopeda ostanu dostupne djeci i roditeljima, kao i usluge centra za fizikalnu terapiju.

Kad je u pitanju Odluka o izvršenju Budžeta, građani su nam na razne načine dali 8 miliona – vijeću na odlučivanje. Vijeće daje 8 miliona na upravljanje Načelniku kroz ovu Odluku o izvršenju... Odluka je uputstvo o načinu upravljanja budžetskim sredstvima. Moramo osigurati mehanizme da se zakonito, plansko i transparentno upravljanje Budžetom i to se može samo preko prethodno sačinjenih programa, kriterija, to se osigurava i stalnim izvještavanjem o utrošku budžetskih sredstava. Zato je Odluka o izvršenju Budžeta i politički i finansijski izuzetno važna pa predlažem ili da se uvrsti kao poseban član u već predloženu odluku slijedeći tekst, ili da se eventualno glasa po prijedlogu zaključka prilikom glasanja za odluku o ovom zaključku. Tekst zaključka bi bio:

«Prilikom realizacije Odluke o izvršenju Budžeta za 2018. godinu, Općinski načelnik će u zakonom propisanim rokovima Općinskom vijeću Maglaj dostaviti prijedloge ili nacрте Programa utroška sredstava, saglasnosti na programe utroška sredstava prije stupanja na snagu i kriterije za raspodjelu sredstava iz Budžeta, za sve one namjene i oblasti za koje je to pripisano zakonom.

Javne ustanove i javna preduzeća čiji je osnivač Općinsko vijeće Maglaj će dostavljati svoje periodične finansijske izvještaje Općinskom vijeću, istovremeno sa izvještajem o izvršenju Budžeta Općine Maglaj.

Sva udruženja građana i mjesne zajednice dostavljat će Općinskom vijeću Maglaj izvještaj o utrošku sredstava doznačenih iz Budžeta Općine, najmanje dva puta godišnje (šestomjesečni i konačni).

Općinsko vijeće će, na prijedlog Načelnika Općine, najkasnije do 28 februara 2018. godini, usvojiti Program finansiranja udruženja građana. U Programu trebaju biti precizirani uslovi za raspodjelu sredstava na način da će se voditi računa o kriterijima brojnosti članstva udruženja, pokrivanju neophodnih materijalno tehničkih i režijskih sredstava, referensama ranije realizovanih projekata i aktivnosti, opravdanosti utroška istih, te značaju i obimu realizacije planiranih projekata u 2018 godini.

Vijećnica Šefka Hasanić, osim onog dijela koji sam rekla u svom izlaganju da sam za transparentnost ovog Budžeta i dostupnost svim građanima općine Maglaj, ne ograničavajući se na područje općine. Ova stavka u Budžetu je svakako dobra iz razloga što imamo mali milion projekata EU koja podržava energetska učinkovitost, ekološku osviještenost, znači jedan od projekata od kojih može Općina finansirati projekte energetske učinkovitosti, a to su ova sredstva u Budžetu. Ne bi volila da to bude ograničeno samo na uže gradsko jezgro, jer pored užeg gradskog jezgra, urbanistički riješena stanja imaju i Šeher i Kosova, Stari dio grada, volila bi da na ova sredstva mogu aplicirati ako ništa bar za početak n/m koja imaju urbanističke planove.

Nalić Semiz, pošto su prozivana boračka udruženja i vidim niko se nije javio, prvo da se zahvalim Načelniku što je ispoštovao finansijska sredstva prema nama i ništa nam nije ostao dužan.

Ja sam dostavio jedan pismeni akt što se tiče skupština a vidim da pojedina gospoda ili nisu pročitali, ili se prave da nisu. Ovom prilikom ću pročitati akt koji sam dostavio. OORVI radi u skladu sa Statutom ORVI koji je kao takav usuglašen sa statutima viših nivoa a to je uslov da bi mi bili članovi Saveza RVI ZDK i FBiH i BiH. Od 1994. godine kako postojimo kao registrovano udruženje svake godine se jedanput godišnje održava zakonita i transparenta redovna izvještajna, a svake četvrte godine izborna Skupština, na koju su pozivani svi predstavnici našeg nivoa organizovanja, Saveza RVI ZDK, FBiH, Ministri za boračka pitanja kantona i federacije, Načelnik općine i rukovodilac resorne službe za boračko-invalidsku zaštitu i drugi gosti...

Posljednja redovna izvještajno-izborna Skupština RVI Maglaj održana 5.5.2017.godine na kojoj je izvršena verifikacija delegata u Skupštini, kao i izbor rukovodstva ORVI Maglaj za naredni mandatni period od 4 godine. Izabran je novi predsjednik ORVI jednoglasnom odlukom. O tome smo obavijestili sve nadležne organe, izvršili preregistraciju organizacije u Ministarstvu pravde ZDK, Kantonalmom poreznom uredu i u registru udruženja. Zakonitost našeg rada je potvrđena od strane nadležnih stručnih organa i politička kvalifikacija sa političke govornice od strane političara da je nešto zakonito ili nezakonito kako kome odgovara...

Mi smatramo da nemamo potrebe i stoga ne namjeravamo vršiti nikakvu izbornu aktivnost dok za to ne dođe vrijeme, a nadamo se da ćete vi općinski vijećnici Maglaja naći razumijevanja, pojedinim vijećnicima objasniti naš način djelovanja a donekle i sami to učiniti na narednim sjednicama ukoliko nas ponovo pozovete na istu. U OV Maglaj i u ranijem periodu i sada veliki broj vijećnici statusno pripadno nekoj boračkoj organizaciji, kao što je gospodin Bešić RVI koji pripada mojoj organizaciji i umjesto da me podržava ovdje on mene blati...

Sva finansijska sredstva koja dobijemo sa Budžeta općine redovno pravdamo resornoj Službi i obrazložen način utroška istih, a sredstva uglavnom idu za plaćanje kumunalija, pomoći članstva, goriva za obilazak bolesnih, kancelarijski materijal i slične programske aktivnosti. Vi imate mogućnost da nam uskratite finansiranje koje je i onako najmanje u odnosu na naše susjedne općine, ali se nadamo da to nećete dozvoliti jer bi to onda sigurno promijenilo naš način rada...

Vijećnik Mustafa Bešić, zahvaljujete se Načelniku na uplaćenim sredstvima, ja bih prvo rekao vas je Načelnik nagradio za nerad. Mene interesuje gdje tačno potrošite sredstva... Ja vas neću podržati ukoliko ne iznesete ove podatke koje ja tražim...

Vijećnik Fikret Delić, ja sam zadnjih 20 dana obišao pet-šest mjesta i obišao sam RVI, demobilisane borce, porodice poginulih boraca, iste sam odgovore dobio niko nije zadovoljan, niko ih nije obišao. Ljudi su nezadovoljni vašim radom, imam 500 potpisa boraca...

Vahdet Hajdić, učestvovao u raspravi po pitanju boračkih udruženja.

Vijećnik Hajrudin Ferić, molim da se učesnici u diskusiji ponašaju onako kako u Poslovniku stoji za dostajanstvom, sa poštivanjem i bez ikakvih grubih riječi. Molim vas da smanjimo tenzije.

Vijećnik Nedžad Lokmić, ja ću predložiti pauzu u ime Kluba SDP-a...

Predlažem da se zajedno sa Načelnikom općine, šeficom Službe, predstavnicima Udruženja razgovara o tome da se pokušaju ujediniti ta udruženja i da se stvori Udruženje čiji bi se rad i te kako nadgledao, a pogotovo ti finansijski tokovi. Načelnik neće tolerisati netransparentan rad Udruženja, tražit će izvještavanje svake utrošene marke, a koliko znam udruženja su to dužna i rade, da ne vodimo ovu raspravu u pogrešnom smjeru...

Vijećnik Mustafa Bešić, mi hoćemo da udruženja stoje iza nas kad nam treba pomoć...

Azra Čakrama, želim da kažem da naša udruženja se finansiraju iz Budžeta...

Sredstva su opravdana i mjesečno pravdaju sredstva.

Fatima Mahmutagić, učestvovala u raspravi po pitanju boračkih udruženja.

Vijećnica Selma Avdić, učestvovala u raspravi po pitanju boračkih udruženja.

Vijećnik Hajrudin Ferić, tema je Budžet molim da se vratimo na tu tačku dnevnog reda. Potpuno legitimno dvojica vijećnika traže da znaju gdje su utrošena sredstva. Ovaj zaključak rješava sve, dajte nam programe,

predložite da Vijeće bude upoznato od prvog do 25 vijećnika šta se planira. Naravno da ćemo u narednom periodu kroz Program rada Vijeća i ovaj zaključak imati redovno izvještavanje o utrošku sredstava, ne o petljanju ni Vijeća niti bilo koga drugog u rad udruženja, nego o opravdanosti utroška ovih sredstava koje ste dobili iz Budžeta Općine.

Vijećnik Fikret Delić, replika... tražim da se u Budžetu Općine Maglaj za narednu godinu uvrsti još pet novih boračkih udruženja koja će se registrovat.

Pauza za koalicioni blok

Nijaz Delić, naš Sindikat je reprezentativan i mi smo uzeli učešće u javnoj raspravi i prihvatili između ostalog i Nacrt Budžeta i Nacrt Odluke o izvršenju Budžeta za 2018. godinu. S obzirom da je Zakon o plaćama i naknadama u organima vlasti BiH («Službene novine FBiH» broj: 45/10, 111/12 i 20/17) propisao kako se utvrđuje polazna osnovica za obračun plaća pri čemu će se koristiti i bod za obračun plaće, upriličili smo sastanak sa predstavnicima Kolegija OV, Općinskim načelnikom, šeficom Službe pri čemu smo dali saglasnost i postigli sporazum o naprijed iznesenom. Mi smo prije sjednice dostavili zapisnik sa sporazumom. Dana 26.12.2017.godine održan je sastanak sa predstavnicima Kolegija OV, Općinskim načelnikom, Sindikalnim odborom a vezano za utvrđivanje osnovice plaća pri čemu će se koristiti bod koji se utvrđuje Zakonom o plaćama i naknadama u organima vlasti BiH koje regulišu službene novine koje sam nabrojao, odnosno Odlukom o izvršavanju Budžeta za narednu godinu sa početkom primjene 1.1.2018.godine. Na navedenom sastanku nije bio postignut konkretan dogovor, gdje je Sindikatu dato do znanja da osnovica od 286,00 KM neće se mijenjati, da prema Zakonu koji reguliše ovu oblast bude određeni broj ne manji od 1, a veći od 1,1. U ovom dijelu nismo postigli dogovor, zbog čega su naslijedile konsultacije, odnosno pojašnjenja itd. Nakon konsultacija Sindikat je spreman prihvatiti ovakav bod uvažavajući stanje Budžeta Općine Maglaj uz napomenu kako je rečeno da isti ne može uticati na probijanje sredstava u Budžetu za 2018. godinu. Dakle, Sindikalni odbor prihvata prijedlog Budžeta i Odluku o izvršenju Budžeta za 2018. godine.

Vijećnica Šefka Hasanić, ja bih imala repliku, a odnosi se na diskusiju gdje je spominjan zaključak OV koji se odnosi na održavanje Skupština u boračkim udruženjima. Klub SDA je bio protiv tog zaključka i da se u narednom periodu prilikom donošenja ovih zaključaka koji su mimo zakona, kao što je bilo i vezano za rebalans Budžeta i Odluku za provođenje izbora u mjesnim zajednicama striktno navede ko je glasao za, a ko protiv.

Vijećnik Safet Jašić, ja mislim da je neozbiljno uzeti pauzu 25 minuta i ne iznijeti nikakav stav. Ja predlažem pauzu za doručak isti momenat.

Predsjedavajuća OV, imamo prijedlog SDA da se odmah napravi pauza, ili na moj prijedlog da to učinimo nakon što usvojimo Budžet i Odluku o izvršenju nakon prve tačke dnevnog reda. Molim da se izjasnimo po tom pitanju.

Ko je za prijedlog SDA da u sred diskusije pravimo pauzu?

Vijećnik Safet Jašić, znam ja kakav će biti ishod glasanja, ali gospođo Predsjedavajuća misli da trebate sjednicu dobro usmjeriti i ovo kako ste do sad vodili mislim da to nije bilo po Poslovniku o radu OV. Neko ovdje može da radi šta hoće i izlazi za ovu govornicu, a neko ne može ni kazati ono što treba, a tražite objašnjenje.

Predsjedavajuća OV, ja vodim sjednicu po Poslovniku o radu OV. Imamo prijedlog Kluba SDA da napravimo pauzu za ručak. Nismo nikad do sad u pola tačke dnevnog reda pravili pauzu.

Vijećnik Mustafa Buljubašić, treba da se zna kad je pauza.

Predsjedavajuća OV, ja predlažem da se napravi pauza dok okončamo prvu tačku dnevnog reda. Pozivam šeficu Službe da ponudi odgovore na postavljena pitanja koja su imali vijećnici u svojim diskusijama.

Senada Alibajraktarević, dala odgovore na postavljena pitanja.

U daljoj raspravi su učestvovali vijećnici Fermić Hajrudin, Šefka Hasanić, Nedžad Lokmić, Fikret Delić, Senada Alibajraktarević, Općinski načelnik.

Pauza za Kolegij OV,

Vijećnik Fikret Delić, ispred Kluba samostalnih vijećnika mi podržavamo prijedlog Načelnika i zadovoljni smo da se formira Komisija ispred OV i udruženja da se sredstva rasporede jednako na sve borce. Nadamo se da će svaki borac biti jednak na području općine Maglaj.

Predsjedavajuća OV, zaključujem raspravu i dajem na glasanje prijedlog Budžeta Općine Maglaj za 2018. godinu uz prijedlog zaključaka za izmjene pozicija,

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Dajem na glasanje prijedlog Odluke o izvršavanju Budžeta Općine Maglaj za 2018. godinu uz prijedlog proširenja člana 26. Odluke i iznesene prijedloge koji se vezuju za ovu Odluku 4 prijedloga zaključaka koje je iznio Dopredsjedavajući i prijedlog Općinskog načelnika da formira Komisiju.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Predsjedavajuća OV, konstatujem da su usvojeni zaključci kako slijedi:

ZAKLJUČAK

- 1.1. a) Usvaja se Budžet Općine Maglaj za 2018. godinu.
- 1.2. Shodno izmjenama i dopunama Zakona o izvršnom postupku u budžetu općina potrebno je predvidjeti finansijska sredstva u iznosu od 0,3% ukupnog budžeta za isplate sudskih presuda. U skladu s tim na planiranoj poziciji u Budžetu Općine Maglaj 614814 – izvršenje sudskih presuda po osnovu neisplaćenih plaća umjesto iznosa od 14.000,00 KM planirati iznos od 23.750,00 KM (uvećanje za 9.750,00 KM).
- 1.3. Shodno tom povećanju u iznosu od 9.750,00 KM, planiranu poziciju u Budžetu općine Maglaj 613700 – Izdaci za tekuće održavanje (zgrade općine, opreme i vozila) trebalo bi smanjiti iznos od 50.000,00 na iznos od 40.250,00 KM.
- 1.4. b) Usvaja se Prijedlog Odluke O izvršavanju Budžeta Općine Maglaj za 2018.godinu.
- 1.5. Član 26. Odluke o izvršavanju Budžeta općine Maglaj za 2018. godinu, proširuje se i glasi :
«Sredstva na pozicijama bruto plaća i naknada na ekonomskom kodu 611000-Plaće i naknade troškova zaposlenih i 612000 – Doprinosi poslodavca osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine («Službene novine Federacije BiH», broj 45/10, 111/12 i 20/17), Odluke o utvrđivanju platnih razreda i koeficijenata za plaće, dodataka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj, («Službene novine Općine Maglaj», broj: 01/15).
Osnovica za obračun plaća utvrđena je na osnovu Sporazuma broj: 01-17-62/17 od 26.12.2017. godine, postignutog između Općinskog načelnika i predsjednika Sindikalne organizacije državnih službenika i namještenika Općine Maglaj, u visini od 286,00 KM.
Bod za obračun plaće utvrđuje se i iznosi 1-1,1.
Osnovica za obračun plaće iz prethodnog stava i bod za obračun plaće u iznosu od 1-1,1 primjenjivat će se za period 01.01.2018. godine do 31.12.2018.godine.
Isplate mjesečnih novčanih primanja na ime bruto plaća i naknada, te naknada korisnicima prava iz drugih zakona, na osnovu utvrđene osnovice i boda su definitivne i konačne, odnosno mogu se vršiti samo do visine planiranih sredstava u Budžetu za te namjene. «
- 1.6. Prilikom realizacije Odluke o izvršenju Budžeta za 2018. godinu Općinski načelnik će u zakonom propisanim rokovima Općinskom vijeću Maglaj dostaviti prijedloge ili nacрте Programa utroška sredstava, saglasnosti na Programe utroška sredstava prije stupanja na snagu i Kriterije za raspodjelu sredstava iz Budžeta, za sve one namjene i oblasti za koje je zakonom propisan takav način odlučivanja.
- 1.7. JU i JP, čiji osnivač je Općinsko vijeće Maglaj, će dostavljati svoje periodične finansijske izvještaje Općinskom vijeću istovremeno sa Izvještajima o izvršenju Budžeta Općine Maglaj.
- 1.8. Sva UG i MZ će dostavljati Općinskom vijeću Maglaj Izvještaj o utrošku sredstava doznačenih iz Budžeta Općine najmanje 2 puta godišnje (šestomjesečni i konačni).
- 1.9. Općinsko vijeće će, na prijedlog Načelnika Općine, najkasnije do 28 februara 2018. godini, usvojiti Program finansiranja udruženja građana. U Programu trebaju biti precizirani uslovi za raspodjelu sredstava na način da će se voditi računa o kriterijima brojnosti članstva udruženja, pokrivanju neophodnih materijalno tehničkih i režijskih sredstava, referensama ranije realizovanih projekata i aktivnosti, opravdanosti utroška istih, te značaju i obimu realizacije planiranih projekata u 2018 godini.

Pauza za ručak do 14,30 sati.

Sjednicu će u nastavku voditi dopredsjedavajući Hajrudin Ferić.

Konstatuje se da je sjednici prisutno 22 vijećnika, nisu prisutni Alispahić Nedžad i Jašić Safet.

Pristupili su vijećnici Alispahić Nedžad i Jašić Safet, tako da Vijeće radi sa 24 vijećnika.

AD –2 Odluka naknade o visini i načinu isplate naknada općinskim vijećnicima, predsjedavajućeg, zamjenika predsjedavajućeg /dopredsjedavajućeg i učešća u radu Komisija Općinskog vijeća;

Vijećnica Svjetlana Zamboni, Kako je to i naša obaveza prilikom usvajanja Budžeta za 2018. godinu, Općinsko vijeće treba da donese i Odluku o naknadi općinskim vijećnicima.

Pravni osnov za donošenje ove Odluke sadržan je u Zakonu o plaćama i naknadama u organima vlasti Federacije BiH, («Službene novine Federacije BiH», broj: 45/10, 111/12 i 20/17), Statutu Općine Maglaj i Poslovniku o radu. Članom 55. Statuta Općine Maglaj, članom 9. Pravilnika o naknadama troškova za službena putovanja broj: 01-49-535/10 od 26.03.2010.godine, Pravilnik o korištenju službenih automobila Odlukom o izvršavanju Budžeta/Proračuna Općine Maglaj za 2018. godinu, utvrđeno je da vijećnici imaju pravo na naknadu za rad u Vijeću i druga prava za vršenje funkcije vijećnika a da članovi stalnih radnih tijela imaju pravo na naknadu za rad u tim tijelima definisano članom 29. Odluke o izvršavanju Budžeta/Proračuna za 2018.godinu

Radi se o tome da je Odluka o vijećničkim naknadama, proširena za jedan dio, nema promjene u visini naknada vijećnicima niti za rad u Komisijama i radnim tijelima OV, tu nema nikakvih promjena. Radi se o tome da smo u prošloj godini imali inicijative OV koje su se našle na Skupštini ZDK na koje je trebalo poslati delegaciju OV. Vi znate da je jedna inicijativa OV se našla na dnevnom redu Skupštine, međutim, po dosadašnjoj odluci koja je na snazi mi vijećnici nismo imali pravo na naknadu za službeno putovanje niti korištenje službenog automobila. Dakle, u ovoj odluci koja se nalazi na dnevnom redu, odluka je proširena samo na tu mogućnost u slučajevima da neko od vijećnika, predsjedavajuća ili dopredsjedavajući predstavljaju Općinsko vijeće i na nekim putovanjima ili gostovanjima.

Otvorena je rasprava.

Dopredsjedavajući OV, Hajrudin Ferić govori da je Predsjedavajuća to decidno i jasno obrazložila zašto imamo ovu tačku na dnevnom redu današnje sjednice OV, dobro je da se definišu. Najprije da mi kao vijećnici znamo kakva su nam prava i kakve su nam obaveze na određeni način i to je već davno propisano, ali i da uputimo poruku našim građanima da nama ovdje ne pada napamet da razmišljamo u ovim vremenima i u ovim uslovima o nekom povećanju paušala, naknada itd. naprotiv mi uvodimo još neki stroži režim i disciplinu za one neodgovorne vijećnike koji neopravdano ne dođu na sjednicu OV, dakle bez ikakvog opravdanja i obrazloženja ili poštivanja ovog doma. To je propisano izmjenama zakona umanjeno paušala za 10%. Ono što je također dobro i bitno da se regulisano i prava i članova radnih tijela. Mi moramo pretpostaviti da će se nekad pojaviti nužna potreba da neki od članova radnih tijela OV Maglaj budu prisutni na bilo kom seminaru, edukaciji, dogovorima, pregovorima što može biti korisno za ovu općinu, to je i sad regulisano i na kraju prepisano iz Zakona.

Ja bih predložio da se vidi i razmotri zakonska mogućnost pravo vijećnika na naknadu troškova prijevoza na sjednicu Vijeća i sa sjednice Vijeća. Član 2. točka e) koja bi glasila naknada za prevoz. U Članu 8. Odluke ona bi glasila vijećnici koji se nalaze na evidenciji Biroa za zapošljavanje čije je mjesto boravka udaljeno više od 2 km od grada utvrđuje se naknada za troškove prijevoza na sjednicu i sa sjednice OV u iznosu regulisano propisom koji važi za državne službenike i namještenike Općine Maglaj...

Vijećnik Mirsad Bejić, Klub vijećnika SDA prihvata Odluku naknade o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i učešća u radu Komisija Općinskog vijeća.

Vijećnik Mirza Bradarić, obzirom da sam bio u nekoliko prilika da naši sugrađani imaju pogrešne informacije vezano za vijećničke paušale i naknade kako se tu spominju nekakve enormne cifre za paušal, samo želim radi javnosti da pročitam koliki su ti paušali da se ne bi baratalo na društvenim mrežama. Naknade za vijećnike su 200,00 KM to je paušal mjesečna naknada, za predsjednike klubova vijećnička naknada je 250,00 KM, za zamjenika predsjedavajućeg je 400,00 KM i za predsjedavajuću OV je 500,00 KM. Ono što također želim da kažem na osnovu ove Odluke u članu 4. postoje i kaznene odredbe za neopravdano neprisustvovanje sjednicama OV, u zadnjem stavu kaže iznos paušala umanjuje se za 10% za neopravdano odsustvovanje sa sjednice Općinskog vijeća. Moje lično mišljenje je ako su to neopravdani razlozi da je to mizerija 10% je ništa. Ja u svoje lično ime dajem prijedlog pri donošenju ove Odluke da ova kaznena mjera za neopravdano odsustvovanje sa sjednice Općinskog vijeća da se poveća na 30%.

Vijećnica Svjetlana Zamboni, imate definisano u Odluci šta je neopravdano odsustvo. Ovom odlukom se jasno definiše šta se podrazumijeva neopravdanim izostankom sa sjednice OV. U članu 5. stoji : «neopravdano neprisustvovanje sjednici smatra se svako neprisustvovanje sjednici koje nije najavljeno i obrazloženo razlozima neprisustvovanja i koja nisu verifikovana na sjednici Vijeća. Neopravdano neprisustvovanje sjednici vijeća smatra se i ako vijećnik bez opravdanog razloga ne prisustvuje sjednici Općinskog vijeća duže od 50% efektivnog trajanja određene sjednice Općinskog vijeća». I Poslovnik OV u članu 11. nalaže da svaki vijećnik svoje odsustvovanje sa sjednice mora najaviti Predsjedavajućem OV, ovo znači da ćemo njegov izostanak verificirati kao opravdan na samom početku sjednice.

Senada Alibajraktarević, vezano za ovo pitanje, mislim da bi neko od pravnika trebao dati odgovor. Zakon koji reguliše Zakon o državnim službenicima i namještenicima. To nije ni jedna kategorija, a s druge strane prijedlog je što se tiče kategorije prijevoza to je kategorija po pravilu iz radnog odnosa.

Dopredsjedavajući OV, Hajrudin Ferić želim da vas upitam, ranijih godina pojedini vijećnici su koristili naknadu za prijevoz, govorim pojedini vijećnici bila su planirana sredstva i u 2017. godini i izvršenje je 70-80,00 KM. Ovim bi se samo napravio legitimitet da to budu nezaposleni članovi Vijeća, koliko ih ima a piše onaj koje je

na evidenciji za zapošljavanje. Da li ima 2-3 vijećnika i to po sjednici Vijeća. Da li je to autobuska karta, troškovi goriva, zakonski osnov imamo, finansijska sredstva u Budžetu imamo planirana za to i sad ja to predlažem u ovu Odluku.

Senada Alibajraktarević, što se tiče planiranih sredstava u Budžetu ona stoji za naknade. Mi nemamo ništa protiv ako je zakonsko uporište u redu, što se tiče finansija nemamo ništa protiv.

Općinski načelnik Mirsad Mahmutagić, da pokušamo napraviti kompromis ako ste u dilemi da li je nešto zakonito ili nije. Dajte da vijećnici koji su u toj kategoriji umjesto 100,00 KM, dajte im 110,00 KM i da završimo priču. Donesemo odluku i to je to. Ko je preko 2 km udaljen od grada i da je na Birou da ima 110,00 KM naknadu.

Vijećnik Mirza Bradarić, ja sam htio da postavim još jedno pitanje. Vi ste spomenuli vijećnike koji se nalaze na evidenciji za nezaposlene. Međutim, ja ću sada pitati obzirom da kolegica Dženita je vijećnica, a u isto vrijeme i student a obzirom da postoji mogućnost da mi u svakom sazivu vijeća imamo i studente koji redovno studiraju, da li postoji mogućnost i ta kategorija da se ubaci u stavku. Nezaposleni i kategorija studenata.

Dopredsjedavajući OV, Hajrudin Ferić povlačim prijedlog, a da obavežemo Načelnika i Službe da nam za neku od idućih sjednica pripreme tu kalkulaciju i predlože nam način rješavanja tog problema.

Zaključujem raspravu i dajem na glasanje ponuđeni prijedlog Odluke od strane Službe i predlažem

Z A K L J U Č A K

2.1. Usvaja se Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg /dopredsjedavajućeg i Komisija Općinskog vijeća.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 3 Nacrt Strategije razvoja Općine Maglaj 2012-2020. godine – revidirana za period 2018.- 2020. godina;

Nermin Bešlagić, uvodno izlaganje.

Otvaram raspravu

Vijećnica Dženita Smajlović, Klub SDA će podržati Nacrt Strategije razvoja Općine Maglaj 2012-2020. godine – revidirana za period 2018.- 2020. godina.

Vijećnik Mirza Bradarić, Vidi se da je razvojni tim radio i da su uradili jako dobar posao. Klub SDP-a prihvata Nacrt Strategije razvoja Općine Maglaj 2012-2020. godine – revidirana za period 2018.- 2020. godina.

Dopredsjedavajući OV, Hajrudin Ferić zaključujem raspravu i predlažem

Z A K L J U Č A K

3.1. Usvaja se Nacrt Strategije razvoja Općine Maglaj 2012-2020. godine – revidirana za period 2018.- 2020. godina.

3.2. Otvara se javna rasprava u trajanju od 15 dana.

3.3. Zadužuje se Odjeljenje za razvoj pri Službi za privredu, finansije i razvoj poduzetništva za provođenje javne rasprave.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 4 Prijedlog o donošenju Odluke o usklađivanju organizacije i podataka od značaja za pravni promet JP «Veterinarska stanica» Maglaj i organizovanja JP «Veterinarska stanica» Maglaj u d.o.o. sa Zakonom o javnim preduzećima u FBiH;

Dženana Bočić, predsjednica NO JP «Veterinarska stanica» Maglaj. Uvodno obrazloženje Odluke i Statuta JP «Veterinarska stanica» Maglaj. Nadzorni odbor je uvidom u postojeće akte JP «Veterinarska stanica» konstatovao da akti nisu usklađeni sa postojećim propisima. Odluka je iz 1989. godine, a Statut je iz 1996. godine a posljednji upisi u sudski Registar se desio 1998. godine...

Otvaram raspravu

Vijećnik Hajrudin Fermić, želim uputiti čestitke ovom NO koji je uložio izuzetan trud u ovih proteklih 5-6 mjeseci da pokuša ono što je od 1996. godine zapušteno i katastrofalno doveo u red. Zakon o privrednim društvima je iz 1999. godine i 2003. godine, a odgovorno lice apsolutno ništa nije učinio i doveo je tu firmu i djelatnost da poslije nove godine možda neće moći ni da radi. Zato kažem da ću glasati za to i pozivam i ostale vijećnike da ovo podrže. Imam informacije da je Notar sve uradila u skladu sa Zakonom o javnim preduzećima i da samo trebamo omogućiti daljnji nastavak svih ovih aktivnosti.

Vijećnik Mustafa Bešić, ja sam već u raspravi po dnevnom redu rekao da mi nećemo podržati ovu tačku. Zato što nam nije dostavljen materijal u redovnom terminu od sedam dana. Molio bih da nam se obrati gospođa da se to prolongira za slijedeću sjednicu OV da mi znamo o čemu se tačno ovdje radi. Ja ovdje imam površne informacije i želim znati šta stoji iza toga. Ako imate obrazloženje da nam kažete pa ćemo mi razmisliti o tome.

Dženana Bočić, uvidom u stanje JP «Veterinarska stanica» Nadzorni odbor je od početka spominjao paralelni proces, pošto je po postojećem tadašnjem direktoru istekao mandat, nismo mogli tačno ni ustanovi kada, morali smo prvo pristupiti konkursnoj proceduri. Konkursna procedura nam je oduzela malo više vremena... Sad smo došli konačno do paralelnog procesa, imenovan je direktor, nakon toga slijedi upis novog direktora u Sud, a jedan od dokumenata koji je neophodan za upis novog direktora je i ovaj dokument jer postojeći nisu usklađeni sa zakonom. NO je od početka svog rada bio da se radi paralelno i radimo paralelno na tome, došli smo do imenovanja novog direktora i sada idemo u proces preregistracije JP u Sudu. Nije moglo jednog bez drugog koga god smo savetovali nismo znali odakle početi. Ovo nam je od velike hitnosti kako bi «Veterinarska stanica» mogla obavljati svoju djelatnost, mora dobiti određene licence.

Vijećnica Svjetlana Zamboni, želim postaviti pitanje. Ukoliko Općinsko vijeće koje je Skupština budućeg društva ne donese danas Odluku, da li to znači da «Veterinarska stanica» gubi licencu?

Dženana Bočić, «Veterinarska stanica» već nema licencu. Da bi dobila za slijedeću godinu rok je bio 31.12., pa sam Ministricu zamolila da nam prolongira taj rok, ali nisam dobila nikakav odgovor.

Općinski načelnik, «Veterinarska stanica» radi nelegalno već duži period. Ukoliko ovaj NO ne završi ovo u najkraćem mogućem periodu postoji velika vjerovatnoća da će biti i zaključana. To je jedina veterinarska stanica u ZDK koja je toliko neuredna, toliko zapuštena da se ne može vjerovati da je dole bio i jedan uposlenik, a kamoli neko ko se zove rukovodiocem, a da je takvo stanje u «Veterinarskoj stanici». Zato je potrebno hitno djelovati i ja se zahvaljujem NO koji je cijelo vrijeme i zasjedao...

Vijećnik Mirza Bradarić, sve je u zakonu. Ako mi ne donesemo ove Odluke, «Veterinarska stanica» ne može raditi, radi nelegalno i to je to. Svi smo mi pričali i o poljoprivredi, međutim grana stočarstvo, šta će biti sa stočarima na području općine Maglaj, ako «Veterinarska stanica» bude ugašena...

Vijećnik Fikret Delić, tražim pauza 5 minuta za samostalne vijećnike.

Vijećnik Safet Jašić, sve je od vitalnog interesa, mi smo se jutros već odredili, nismo iščitali materijali i ovo nama nisu dovoljni razlozi što je predsjednica NO iznijela. Zašto, najvažnije je bilo imenovati direktora... Vi ste deset godina hvalili «Veterinarsku stanicu», kad smo ih mi kritikovali, vi ste ih hvalili. Naš je stav da nećemo podržati ovu Odluku.

Pauza od 5 minuta.

Vijećnik Mustafa Bešić, imao sam namjeru da radim i nađemo najbolje rješenje. Nisam znao o čemu se radi, mi ćemo podržati ovu Odluku što se tiče «Veterinarske stanice».

Vijećnik Hajrudin Fermić, da nam nadležna Služba, da se i Načelnik pobrine zajedno sa Nadzornim odborom, nama ovdje treba u vrlo kratkom roku Odluka o statusu Općinskog vijeća u funkciji Skupštine d.o.o. o pravima i obavezama Skupštine u tim javnim preduzećima koja imamo. Ovo je neophodno, kako bi sebi olakšali poslove i nadzor da se nikad više ubuduće ne desi ovo što nam se dešavalo u «Veterinarskoj stanici», a ovo je jedna od obaveza možemo da pripremimo u nekim narednim mjesecima.

Općinski načelnik, zbog javnosti želim reći da se ovdje ne zavaravamo i ne lažemo. Imali ste 12 godina i ovaj nered je ostao iza tog načelnika. Ovdje sjedi dio vijećnika koji se borio da «Veterinarska stanica» dobije bijednih 5.000 KM u Budžetu, da bi dobili nešto novca...

Vijećnik Safet Jašić, ne znam odakle ovakav stav prema vijećnicima. Ja sam rekao da se Klub SDA nikad nije podržao rad ustanove «Veterinarska stanica». Što se tiče opremljenosti nikad nije bila u boljem stanju nego što je sad...

Vijećnik Hajrudin Fermić, nije tačno da Klub SDA nije nikad podržavao izvještaj, podržavao je i usvajani su i onog što je bilo meni šokantno usvajani su bez ikakve rasprave pogotovo izvještaj o radu «Veterinarske stanice». Ovo govorim i ako analitičar koji je pratio rad Općinskog vijeća od 2008. godine pa čak sam i postavljao pitanje je li moguće da ništa nisu preduzeli i ko zna da li je ovdje ikad podnesena ikakva odluka da oni podnesu zahtjev za privatizaciju neke 2006. godine. Niko to nema pojma. Niko nije spomenuo niti je kritikovao od SDA koji je imao i 15 vijećnika zajedno sa koalicionim partnerima. Drugo nemojte da govorite da je nama najvažnije da smo smijenili direktora, kad taj direktor već 15 godina ništa nije učinio na tom statusu.

Dopredsjedavajući OV Hajrudin Fermić, zaključujem raspravu i predlažem

ZAKLJUČAK

4.1. a) Usvaja se Odluka o o usklađivanju organizacije i podataka od značaja za pravni promet JP «Veterinarska stanica» Maglaj i organizovanja JP «Veterinarska stanica» Maglaj u d.o.o. sa Zakonom o javnim preduzećima u FBiH.

4.2. b) Usvaja se Statut JP «Veterinarska stanica» Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici.

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 5 Prijedlog Odluke o zamjeni nekretnina u predmetu Mašić (Salih) Ševala;

Fuad Hajrulahović, uvodno izlaganje

Otvaram raspravu

Dopredsjedavajući OV Hajrudin Fermić, zaključujem raspravu i predlažem

ZAKLJUČAK

5.1. Usvaja se Odluka o zamjeni nekretnina u predmetu Mašić (Salih) Ševala.

Glasalo 23 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Glasalo 1 glas uzdržan Hajrudin Fermić (DF).

AD – 6 Prijedlog Odluke o osnivanju zdravstvenog savjeta;

Otvaram raspravu

Vijećnik Mustafa Buljubašić, smatram da je Savjet jako potreban i da može imati vrlo korisnu zadaću u pomoći građanima. Ja sam igrom slučaja bio četiri godine u jednom zdravstvenom savjetu penzionera ZDK imali smo jednu doktoricu koja nas je vodila, koja je uvijek prilikom dolaska u neku općinu tražila predsjednika koji je automatski bio član savjeta i odlazila u Dom zdravlja i neke od naših prijedloga odlazila je rješavati sa direktorom Doma zdravlja. Predložio bih da direktno ove institucije predlažu svoje članove da se to verifikuje i da se iz Doma zdravlja oni već imaju zdravstveni radnici i da se izabere jedna osoba koja to sve može voditi.

Vijećnik Safet Jašić, što se tiče ovog materijala mi ćemo podržati da sve ove institucije predlože svoje kandidate, da nema niko uticaja na to i mi ćemo to podržati.

Vijećnik Hajrudin Fermić, ja bih podsjetio da je ovaj materijal došao na dnevni red 13. sjednice OV, nakon jedne rasprave koja se vukla cijelu ovu godinu o neefikasnosti, odnosno neradu Zdravstvenog savjeta koji je utvrđen Odlukom još 2012. godine. Tada smo i na prošloj sjednici slušali i doktora Vehabovića i raspravu pogotovo i pojedinih članova iz Kluba SDA i doktora Vehabovića, pa i mene koji sam aktivno učestvovao u toj priči tražeći razloge, uzroke nerada tog važnog tijela na općini Maglaj koji je 2010. godine utvrđen kao obavezan da se formira i da radi na nivou lokalnih zajednica. Ona odluka što je bila usvojena 2012. godine i ova danas predložena analizirajući je se moglo svesti u jednoj definiciji. Da su nama umjesto ove odluke trebalo da bude Odluka o izmjeni ove postojeće Odluke. Ona se mijenja praktično samo u dva člana. Prvi član koji govori da će umjesto deset biti devet članova i kasnije je izbrisan predstavnik jedne od organizacija. Ima još jedan član koji govori uopšteno o ulozi zdravstvenog savjeta. Ovo što nama fali u predloženoj odluci, ja bih i predložio da ona bude u formi nacrt.

Prvo se postavlja pitanje ko na koji način je u zdravstvenom savjetu. Kad kažemo predstavnik građana, predstavnik ljekara to je toliko širok pojam da sebi pokušavamo i omogućavamo razne definicije i tumačenja i dobro bi bilo da to svedemo i suzimo na nešto što ide u pravcu vaših prijedloga, a to je da se konkretizuje šta je to institucije i organizacije itd. koje su tu. Mislim da bi trebalo i ja imam prijedloge da to bude predstavnik udruženja koja su registrovana za zaštitu prava određene kategorije pacijenata koja su registrovana da djeluju i na općini Maglaj, kao što su Udruženje za prevenciju dijabetesa, Udruženje dijelznih bolesnika, pojedinaca kojima je utvrđena medicinska dijagnoza, hroničnih, bolesnih itd. ili predstavnik Udruženja penzionera. Predstavnik mladih,

da to bude predstavnik mladih, predstavnik organizacije mladih, neformalnih volontera u oblasti zdravstvene i socijalne zaštite. Imamo takvih ljudi koji bi trebali imati prednost u odnosu na neke druge. Moramo da uredimo ovom odlukom ko i koje kategorije treba da uđu. Šta nam je još potrebno, ko imenuje predsjednika zdravstvenog savjeta? U ovoj odluci se to ne vidi. Članove zdravstvenog savjeta imenuje Načelnik. Da li i kako imenuje predsjednika, ako imenuje Načelnik predsjednika onda to treba da navedemo u ovoj odluci o osnivanju zdravstvenog savjeta da je to Načelnik. Ko saziva prvu sjednicu, također to nema? U odluci treba da stoji da saziva predsjednik u roku od 30 dana od dana dobijanja rješenja od Općinskog načelnika. Ko im pruža administrativno-stručnu i tehničku opslugu, nema nije regulisano ovdje. To mora da bude stručna služba u čijoj je nadležnosti i pitanje zdravlja odnosno zdravstvene djelatnosti. Mora postojati obaveza da zdravstveni savjet najmanje jednom godišnje podnosi izvještaj Općinskom vijeću o svojim saznanjima, ali sve institucije koje imaju zdravstvene savjete su propisale i obavezu da se ti izvještaji jednom godišnje i objavljuju i na službenoj web stranici Općine. Puno je tih sitnih, konkretnih pitanja i dilema i nedefinisanih stvari a koje bi mogle u javnoj raspravi da kvalitetno poluče neke dobre rezultate i da imamo jednu odluku o organizovanju zdravstvenog savjeta. Pitanja koja sam ja pomenuo nisu regulisana u ovoj odluci. Ovo kad bi se regulisalo sigurno bi i otkočilo i u narednom periodu i dobar rad zdravstvenog savjeta. Mislim da bi 15 dana moglo biti dovoljno za javnu raspravu. Nemam ništa protiv ni 30 dana.

Vijećnik Armin Hrnjić, Klub SDP-a se slaže da ovaj prijedlog ide u nacrt, zbog previše nejasnoća, tako da bi svi mogli dati svoje mišljenje.

Dopredsjedavajući OV Hajrudin Ferić, zaključujem raspravu i predlažem

Z A K L J U Č A K

6.1. Usvaja se Nacrt Odluke o osnivanju zdravstvenog savjeta.

6.2. Otvara se javna rasprava od 30 dana.

6.3. Zadužuje se Služba za BiZ, opću upravu i društvene djelatnosti za provođenje javne rasprave.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 7 Prijedlog Godišnjeg plana potencijalnih projekata JPP-a za 2018. godinu;

Dopredsjedavajući OV Hajrudin Ferić, materijale ste dobili blagovremeno i otvaram raspravu.

Zaključujem raspravu i predlažem

Z A K L J U Č A K

7.1. Usvaja se Prijedlog Godišnjeg plana potencijalnih projekata JPP-a za 2018. godinu.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 8 Informacija o realizaciji zaključaka OV sa Tematske sjednice;

Vijećnik Firuz Galijašević, Klub SDP-a naravno prima k znanju Informaciju o realizaciji zaključaka sa Tematske sjednice Općinskog vijeća, ali ponovo moram pomenuti da Mješovita srednja škola uporno pokušava da sakrije probleme «pod tepih» kada je u pitanju «otvaranje novih zanimanja» pod izgovorom da citiram *nema pisanog zahtjeva i pokazatelja od strane zainteresovanih privrednika u kojima se navodi potreba za određenim stručnim kadrovima te nemaju osnov ali niti uslove za uvođenje novih zvanja i zanimanja*. Pa zar zaključci koje je Općinsko vijeće usvojilo nisu dovoljan razlog da se pokrene procedura uvođenja potrebnih zanimanja i obezbijede uslovi u pogledu obavljanja praktične nastave novih zanimanja (prostor i oprema), kao između ostalog i na dokvalifikacija i prekvalifikacija postojećeg nastavnog kadra. Nadam se da nećemo slijedeće godine opet čuti od predstavnika Mješovite srednje škole Maglaj da se malo zabavljamo na općinskom vijeću oko te upisne politike i svake godine govorimo jedne te iste stvari.

Pitanje za Mješovitu srednju školu.

Mi smo uporni u svojim nastojanjima da se uvedu nova zanimanja. Mi smo uporni, a vi hoćete li nešto poduzeti?

Vijećnik Mustafa Buljubašić, ja sam prošli put kad se održavala Tematska sjednica, pričao dugo, podržavam gospodina Firuza. Nekada nisu ni bitni zahtjevi, to se vidi na terenu...

Dopredsjedavajući OV Hajrudin Fermić, zaključujem raspravu i predlažem

- Prima se k znanju Informacija o realizaciji zaključaka OV sa Tematske sjednice.

AD – 9 Informacija o efektima provođenja Odluke o komunalnim taksama i tarifi taksa na istaknutu firmu i drugih komunalnih taksa u dijelu Starog grada, općine Maglaj;

Vijećnik Hajrudin Fermić, prošli put smo dali u zadatak Službi da napravi tu analizu i dostavili su nam Informaciju.

U vrijeme prethodnih 4 godine koliko su važile odluke o oslobađanju plaćanja komunalnih i administrativnih taksi za sve te obrtnike, subjekte koji posluju na području Starog grada, vidjeli smo da je Općinsko vijeće, Općina kroz Budžet pomogla, sufinansirala djelatnost u Starom gradu u iznosu od 7.500,00 KM. Ovo pokazuje da ta sredstva nisu ni beznačajna, a nisu ni blizu podsticajna visini sredstava da se postigne onaj efekat da u Starom gradu zažive te firme i otvaraju i rade kvalitetno. Da ljudi idu tamo u Stari grad, potrebno je puno više. Indikativan je podatak da u protekle 4 godine 9 subjekata se registrovalo, a 6 je brisano iz evidencije, tako da iste godine se ti subjekti i registruju i brišu iz registracije na kraju godine, što pokazuje da se samo vrti jedan krug tih subjekata, zanatlija, obrtnika od trgovaca i ugostitelja, kao i nekih starih zanata koji bi se mogli svesti u stare zanate ili tradicionalne obrte... Moram da napomenem da bi mi mogli u 2018. godini da malo razmišljamo da se organizuju tamo izložbe rukotvorina, starih predmeta, da se organizuju i određeni sajmovi, pa da se prave štandovi za međunarodne, vjerske, državne praznike. Nova godina, šta fali da tamo imamo dva stola sa paketićima besplatno dijeliti djeci itd. do onih prijedloga koji idu za tim da se osmisli i malo više održavanja onih takmičarskih manifestacija u Starom gradu. Tu mislim i na kulturne i sportske. Mi znamo da postoji takmičenje u tavlji, i zašto ne naći sredstva da se i to sufinansira na određeni način kako bi dobilo na značaju i kako bi što više ljudi otišlo. Isto tako zašto ne i da se organizuje izložbe folklor gastro ponuda, zašto ne u Starom gradu. Takmičenja u starim igrama, podsticanje otvaranja starih obrta kroz subvenciju u zapošljavanju i otvaranje npr. prva godina subvencija na ukupne troškove itd. Podsticati finansijski arhitektonsko uređenje fasada u ambijentalnom stilu. Znam da ima nekih planova u 2018. godini od Mulabdićeve kuće itd., ali možemo razmišljati i o donjem dijelu. Projekcije filmova, održavanje spomen časova, jednodnevne ekskurzije, tematski sati za učenike osnovnih škola općine Maglaj, a mi to možemo iskoordinirati sa školama. I ono što sam već rekao štandovi za državne praznike sa paketićima sve zavisi. Makar nešto da od toga u 2018. godini pored ovoga što već imamo bilo bi drugačije i bolje nego do sad.

Vijećnik Mirza Bradarić, na osnovu ove Informacije koju smo dobili iz Službe ovo je samo jedna potvrda o onome što smo pričali na prošloj sjednici OV. Zaista sredstva od komunalnih taksa za privredne subjekte koji su oslobođeni na području Starog grada, ta su sredstva zaista minorna za Budžet Općine Maglaj, ali ipak koliko toliko za sve te privredne subjekte koji pokušavaju da tamo nešto otvore. Iz ove Informacije vidimo da su za prethodne četiri godine na području Starog grada registrovano 20 privrednih subjekata, ali nažalost dosta tih subjekata je u toku jedne godine i registrovano i objavljeno. Znači da ipak tamo nešto fali.

Kako bismo pokušali popraviti situaciju za otvaranje raznih privrednih subjekata na području grada, predložiti ću jednu inicijativu, zamoliti ću Načelnika ako je ikako moguće, pored ovih komunalnih taksa imamo jako lošu infrastrukturu na području Starog grada. Konkretno mislim na onj trg i one famozne kocke koje su u jako lošem stanju i za pješake i za automobile itd. Ovom prilikom molim Načelnika da pokuša na sve moguće načine i da kroz pokušaj sanacije zvanično one kocke da se pokušaju sanirati, a vjerujem da ipak ljudi tamo i posjećuju i rade i zapošljavaju i samim tim doprinose automatski i Budžetu Općine Maglaj.

Dopredsjedavajući OV Hajrudin Fermić, zaključujem raspravu i predlažem i nadležnoj Službi i Načelniku da razmisle o svim ovim diskusijama i prijedlozima koji su izneseni da nešto i preduzmemo.

- Prima se k znanju Informacija o efektima provođenja Odluke o komunalnim taksama i tarifi taksa na istaknutu firmu i drugih komunalnih taksa u dijelu Starog grada, općine Maglaj.

AD – 10 Informacija o provedenoj obaveznoj preventivnoj sistemskoj deratizaciji, dezinfekciji i dezinskciji na području općine Maglaj – jesenja faza 2017. godine;

Vijećnica Anida Šahman, Klub vijećnika SDP-a Informaciju o provedenoj obaveznoj preventivnoj sistemskoj deratizaciji, dezinfekciji i dezinskciji na području općine Maglaj – jesenja faza 2017. godine, prima k znanju. Također se zahvaljujemo građanima na njihovoj saradnji, na način da su i sami ukazivali na lokacije koje je trebalo tretirati.

Dopredsjedavajući OV Hajrudin Fermić, zaključujem raspravu i predlažem

- Prima se k znanju Informacija o provedenoj obaveznoj preventivnoj sistemskoj deratizaciji, dezinfekciji i

dezinfekciju na području općine Maglaj – jesenja faza 2017. godine.

BRIFING OPĆINSKOG NAČELNIKA

Želim se zahvaliti Općinskom vijeću što je podržao Budžet za 2018. godinu, duboko sam ubijeđen da je to kvalitetan Budžet i da će rezultirati dobrim rezultatima tokom 2018. godine.

- S obzirom da je bilo potezanja i pitanja zimskog turnira ko je organizator, koji klubovi itd. želim i Vijeće upoznati da je formiran OO koji vodi malonogometni zimski turnir. Po prvim pokazateljima napravili smo pravi potez i moj je cilj bio da to bude transparentno da bude korektno i kako oni koji prate mogu vidjeti da do sad nije bio transparentniji. Posebno mi je drago što se uvodi i jedna novina da ih nekih prigradskih područja gostuju ekipe na turniru besplatno su autobusi angažovani za gledaoce. Prihod sa ovog turnira u najvećem dijelu će ići prema FK «Natron», prije svega za pokrivanje do sad nastalih dugovanja.

- Uskoro kreće rekonstrukcija LED rasvjete, raspisan je tender i samo izvođenje radova što će nam dati pozitivne efekte za Budžet, smanjit ćemo i izdvajanja novčana zbog potrošnje električne energije, što će stvoriti uslove da taj uštedeni dio novca preusmjerimo u razvoj na preostalom dijelu općine, razvoj ulične rasvjete.

- Trenutno je u toku Hilfswerk program ekološkog osnaživanja socijalno ugroženih građana i povratnika i jučer na području općine Maglaj izašla su određena sredstva, mašine, pomagala kako kome.

- UNDP-i vodi projekat sanacije šteta od poplava odmah poslije Nove godine ima preliminarni spisak kandidata za sanaciju, odnosno izgradnju stambenog objekta. Nakon isticanja roka za žalbe konačna lista će biti i krenut će se u sanaciju, što je predviđeno i Budžetom koji smo usvojili, Općina Maglaja je uključena u taj projekat sa nekolicinom ostalih općina i gradova sa područja BiH.

- Nedavno se desilo i nevjerojatno, šteta na području općine Maglaj gdje su nastale određene štete na stambenim i pomoćnim objektima, na putnoj infrastrukturi i najveća šteta je bila na krovu OŠ koji je saniran. Rezultat te štete je nekvalitetna radnja u ranijem periodu gdje su postavljena trule letve, kovani su ekserima na nekim dijelovima. Nekvalitet i pored toga što je bio jak vjetar na stambenim i pomoćnim objektima je bilo dosta štete pogotovo na novošeherskom kraju. Bilo je oborenih stabala i te probleme su naši vatrogasci 24 sata na terenu rješavali te probleme i prema prijavljenim štetama sa terena procijenjena šteta iznosi oko 80.000 KM, s tim da vjerovatno nisu svi građani koji su imali štetu nisu prijavili. To je uradila Služba za civilnu zaštitu i kad smo već tu da pomenem Stari grad. Vijećnik Bradarić je pitao da li se može šta uraditi vezano za one kocke. Da kažem da smo ove godine prvo napravili preduslove, odnosno čišćenje korita Čile i ugradnja ovih slivnika, odvodnika. Sva voda koja je išla iz Starog grada se slivala na one kocke ispirala i stvarala štetu koja jeste. Ko je prolazio tamo mogao je vidjeti da je na nekoliko lokacija ugrađeni rešetke, slivnici za odvodnju te vode da više ne prouzrokuju štetu, a da ćemo vidjeti da tokom slijedeće godine izvršimo i sanaciju tog platoa. Bilo je nekoliko lijepih prijedloga od strane Dopredsjedavajućeg, tako da sam razmišljao o tome da možemo napraviti javni poziv građanima da se jave sa idejama na koji način da oživimo Stari grad a da to bude u skladu sa našim mogućnostima. Ipak je to dugo godina zapušteno, tamo stalno egzistira jedan frizerski salon, dvije prodavnice, jedna kafana i jedna prodavnica u blizini gradine i ona će vjerovatno biti brzo zatvorena jer je sve to na minimumu egzistencije. Upućujem čestitke i svima želim uspješnu Novu godinu.

VIJEĆNIČKA PITANJA I INICIJATIVE

Vijećnik Firuz Galijašević,

Na osnovu Člana 53. Statuta Općine Maglaj (Službene novine Općine Maglaj broj: 8/07, 3/08 i 6/08) pokrećem vijećničku inicijativu.

Nekoliko godina se javlja problem ovjere godišnjih izvještaja za pravna lica sa područja općine Maglaj jer svi poslodavci i knjigovodstveni servisi moraju nositi izvještaje na ovjeru u Finansijsko-informatičku agenciju (FIA) PJ Zenica ispostava Zavidovići. Ta ovjera godišnjih izvještaja traje prva dva mjeseca (januar i februar).

Potrebno je obezbijediti kancelariju za stručno lice koje može da vrši ovjeru i tako pomoći našim privrednicima i u vremenu i u novcu pošto na našoj općini djeluje više od 265 preduzeća (360 poslovnih jedinica, 72 udruženja i 3 zadruge).

Predlažem zaključak:

Zadužuje se Općinsko vijeće da uputi dopis Finansijsko-informatičkoj agenciji (FIA) PJ Zenica da obezbijedi vraćanje ispostave Finansijsko-informatičke agencije (FIA) u Maglaj.

Vijećnik Bešić Mustafa, mi već dugo godina imamo problem oko snabdijevanja električnom energijom na novošeherskom kraju. Mi koji živimo gore imamo dvije elektrodistribucije, oni rade kako rade a mi živimo a da stanovništvo nije zadovoljno sa istom i snabdijevanjem električnom energijom. U posljednje vrijeme dešava nam se pogotovo u mojoj MZ imali smo urađen BH Telecom onaj ormarić za pojačavanje interneta, gdje se ne mogu dogovoriti dvije elektrodistribucije, a narod trpi i to su jako loši odnosi. Ja bih postavio pitanje, a ne znam kome bih ga postavio. Upoznat je i Načelnik o tome, obe elektrodistribucije, pitanje rješavanja električne energije na novošeherskom kraju. Nama je potrebno u mojoj MZ i Kopicama slaba nam struja u više navrata sam ponavljao u

toku Bajrama desi nam se da nemamo struje po dan dva, mislim da to nije u redu. Bojim se da ćemo opet dočekati isto da nećemo imati struje za Bajram. Ne znam kome bi više se obraćao. Narod traži od mene da na Vijeću postavio ovo pitanje. Stalno imamo problema sa strujom. Ljubi plaćaju i hoće da imaju ono zašto plaćaju.

Vijećnik Delić Fikret, i ja isto imam pitanje kao i Bešić. Ja ću ipak postaviti ovo pitanje i mislim da Načelnik ima odgovor na ovo moje pitanje.

Mi znamo i upoznati smo da je rješenje i plan, mi imamo veliki problem električne energije. Izgradnja nove trafostanice. Ono što mene i javnost zanima jeste. Dokle se došlo sa ovim projektima? Da li je istina gospodine Načelnice, da je do Općine i Načelnik samo da se dobije urbanistička dozvola da bi se počela graditi trafostanica? Nadam se da ćemo dobiti adekvatan odgovor i tražim isti.

Vijećnik Safet Jašić,

Ovo nije odgovor, šef Elektrodistribucije je tražio od mene da ide se u rješavanje nekih nedostajućih podataka. Urbanistička postoji, ali mislim da ovo traži građevinsku dozvolu ovo što ja znam. Ljudi se potpisali i otišao je zahtjev za građevinsku. Ne dajem odgovor, nego ono što znam samo iznosim.

Imam pitanje od 5.12.2017.godine na području općine Maglaj, mi smo uredno dostavili u Civilnu zaštitu, ono što smo imali šteta, što se moglo nazvati štetom. Imamo dva sporedna objekta gdje porodice nisu u stanju to sanirati. Nisu to velika sredstva, ali nikad to neće moći sami sanirati.

Da li postoji mogućnost da se ove dvije porodice interventno pomognu kako bi im se stambeni objekti sanirali? Ono ostalo možemo zanemariti, ali ove dvije porodice prioritete bi bile i potrebna je sanacija prije snijega. Ako budu trebala imena porodica, dostavit ću ih.

Da li postoji mogućnost namirenja štete najviše stradalim vlasnicima stambenih objekata u MZ-a i onima koji su to već sanirali i onima koji to ne mogu sanirati sami? U mojoj MZ takvih je 2-3 stambena objekta i ako je moguće sanacije zajedničkih objekata koji su jednako važni za sve građane.

Vijećnica Irena Herceg, moja inicijativa se odnosi na sanaciju rupa u Liješnici između dva tunela, tačnije kod mosta u Liješnici. Vidjeli ste da je onaj dio skoro nemoguć za proći ukoliko se ne obustavi saobraćaj sa jedne ili druge strane. Nadam se da će Općina poduzeti nešto u vezi rješavanja tog problema.

Vijećnica Šefka Hasanić, ispred Kluba vijećnika SDA ja ću iznijeti dvije inicijative:

1. Odnose se da prema unutrašnjoj organizaciji i sistematizaciji radnih mjesta u Jedinstvenom organu Općine dostavi na slijedeću sjednicu Općinskog vijeća kao tačka dnevnog reda i da nam se dostave analize i plan upošljavanja u 2018. godini.
2. Vijećničko pitanje da nam se dostavi broj uposlenih u 2017.godini po svim osnovama, kao što je ugovor o djelu, o angažovanju volontera, savjetnika Načelnika, uposlenih prema konkursnim procedurama koje su završene, kao i onim koje su u toku. Uz ovo pitanje da nam se dostavi i analiza finansijskih pokazatelja upošljavanja u 2018. godini po Budžet Općine.

Vijećnik Edib Delić, ja neću postavljati novo vijećničko pitanje ja sam izašao da kažem da nisam dobio odgovor na vijećničko pitanje koje sam postavio na 10. sjednici OV, također nisam dobio odgovor na vijećničko pitanje koje sam postavio na 12. sjednici OV. Zamolio bih da dobijem te odgovore.

Vijećnik Adis Abdurahmanović,

Ja neću postavljati ponovo vijećnička pitanja, nego ću predati ova u pisanoj formi. Nisam dobio odgovore na prethodne sjednice.

Zašto u sklopu rješavanja pitanja nabavke peleta za zgradu Općine nije riješen i problem nabavke peleta za Društveni dom u Kosovi?

Dosad je u praksi bilo da 2 t peleta obezbijedi Općina, 2 t Dom zdravlja i 1 t BH Pošta.

Dana 4.12.2017.godine Dom zdravlja je isporučio 2 t peleta i zahvaljujem se nadležnima iz ove Javne ustanove jer su ispoštovali dogovor.

Pored matičnog ureda i MZ prostorije Društvenog doma

Vijećnik Hajrudin Ferić,

1. Vijećničko pitanje ili inicijativa:

Da nadležna Služba direktno od Kantonalna direkcija za ceste ZDK dobije odgovor, odnosno prosljedi. Da li je planirala da u 2018. godini rekonstrukciju regionalne saobraćajnice Zavidovići-Maglaj (do n/m Parnica) na dionici Omerdino Polje-Ulišnjak, na dijelovima koji su oštećeni i predstavljaju stalnu i veliku opasnost po učesnike u saobraćaju zbog posljedica klizišta terena, što ne treba puno ni dokazivati?

Drago mi je da je ovdje i gospodin Bradarić, i bez obzira što sam ja pokrenuo ovo pitanje i očekujem pismeni odgovor dobro je da je tu i da čuje.

2. Poznato je da je 27. decembra stupile na snagu izmjene i dopune Zakona o unutrašnjoj trgovini u FBiH.

Mali trgovci ili prodavači u najvećem broju su ovim Zakonom dužni izvršiti registraciju trgovaca, početi ako nisu doprinose, izdvajati sredstva knjigovodstvenih usluga i drugo, što prema njihovim tvrdnjama iznosi dodatni trošak na mjesečnom nivou između 200 i 300 KM.

Obaveze uređenja prostora pijace također su pod pojačanim nadzorom, a kazne velike za one koji ih se ne pridržavaju (uslovi za obavljanje pijace, ograđen prostor, uslovi za obavljanje djelatnosti, izvod iz cjenovnika, radno vrijeme, pijačni red i sl.

Dokle se došlo sa dugotrajnim rješavanjem problema uređenja i održavanja prostora mliječne i zelene pijace u Maglaju i šta se može učiniti da se trgovcima – pojedincima, prodavcima na pijaci olakšaju subvencije ili olakšice, makar u ovom početnom periodu?

3. Ko je, koliko i za koju površinu tokom 2017. godine, zaključno sa 28.12.2017.godine uplatio na račun Budžeta Općine Maglaj naknadu po osnovu pogodnosti zemljišta – rentu?

Molim nadležnu službu Općine da mi dostavi detaljan spisak sa imenima i prezimenima, površinom objekta, lokacijom i visinom uplaćenih sredstava na ovo ime.

Općinski načelnik dao odgovore na neka pitanja

Ja bih volio da konačno riješimo pitanje ove ispostave i da konačno riješimo taj problem, ako treba ja ću dati kancelariju kako bi im bila dostupna, ali da olakšamo našim ljudima koliko je to moguće i pokušat ćemo da i to riješimo.

Klub samostalnih vijećnika slična pitanje vezano za elektroenergetsku mrežu na novošeherskom kraju. Opšta konstatacija je da je to katastrofa. To je rezultat podjele države između politika koje su rasturale ovu državu 92-95. godina koje su i danas na vlasti. U takvoj situaciji došlo se do toga da na području novošeherskog kraja egzistiraju dvije elektrodistribucije. Elektrodistribucija Zenica koja pripada Elektroprivredi BiH i Elektrodistribucija Novi Šeher, koja pripada JP Elektroprivreda HZHB. Ne postoji jasan dogovor, jasan ugovor, jasno razgraničenje između ove dvije elektrodistribucije. I jedna i druga su investirale u mrežu kao osnovno sredstvo, najveći dio mreže i dalekovoda u svom vlasništvu vodi Elektrodistribucija HZHB, a veliki dio mreže investirala i Elektrodistribucija Zenica. U posljednje vrijeme je taj problem kulminirao i ja sam ga rješavao i pokušao ga riješiti da ne izlazi vani i tokom prošle sjednice, na dan kad se održavala sjednica, ja sam imao predstavnike i jedne i druge Elektroprivrede razgovarali smo. Prosljedio sam pisma generalnim direktorima i jednom i drugom, prosljedio sam Premijeru FBiH, ili Ministru više se ne mogu ni sjetiti sa urgencijom za hitno rješavanje ovog problema, ove nadležnosti, jer isključivo trpe građani tog kraja. Zbog toga je mreža u lošem stanju, zbog toga je kvalitet el. energije loš i zbog toga tokom svakog praznika domaćinstva više koriste el.energiju i dolazi do ispada i prekida napajanja i kad sve to se doda na lošu mrežu nevljeme koje se pojavi šeherski kraj je znao ostat po dva do tri dana bez napajanja. Ja sam dok sam radio u Elektrodistribuciji bio se zareko da ću riješiti novošehersko područje i dogurao sam dotle da samo odradili i aplicirali izgradnju trafostanice u Donjoj mahali u Novom Šeheru, trafostanice u Kopicama i trafostanice u Čobama. Domislica je bila u narednom koraku, dok sam ja bio u Elektrodistribuciji nisam podnio još zahtjev za urbanističku za Domislicu, za ove ostale jesam. U Čobama je trafostanica završena onako kako smo je tada i predvidjeli i puštena u napon. U Gornjoj mahali, trafostanica završena i nije puštena pod napon jer nema saglasnosti Elektrodistribucije HZHB da bi bila puštena od strane Elektrodistribucije Zenice. U Kopicama sam podnio zahtjev za dobijanje urbanističke saglasnosti i kao šef Poslovnice u Maglaju, kao Načelnik sam potpisao urbanističku suglasnost u 12. mjesecu 2016.godine, a onda se počelo opet političari gore u Kopicama igrat se ne znam više čega i taj proces je zaustavljen i prije nekoliko dana je podnesen zahtjev za produženje urbanističke saglasnosti. Još uvijek nije podniet zahtjev za dobijanje građevinske dozvole i sve to uključujući Domislici neće izgleda biti riješeno dok se konačno ne riješe odnosi između ove dvije Elektrodistribucije. Kad se pojavio problem 11 i 12. kad je bio jak vjetar, tada niko više nije prisvajao od njih mrežu nego koga god zoveš, trebaju oni drugi da riješe, pa se desilo da je Elektrodistribucija HZHB kaže da u Kopicama razlog je što upadaju u Elektrodistribuciju Maglaj. Kad su otišli iz Elektrodistribucije Maglaj da intervenišu zatekli su gore izmijenjen katanac, što je izmijenila ova šeherska Elektrodistribucija. Totalni je nerad i čini mi se ukoliko ne budemo ovo riješili korektno, konačno sa rukovodstvima ove dvije Elektroprivrede čini mi se da su onda na redu građani sa tih područja jer oni ispaštaju zbog toga. To je jedini način da se riješi.

Sanacija rupa između dva tunela, ima još nekoliko rupa koje su se pojavile uslijed ovih kiša na ovom dijelu i pokušat ćemo to riješiti. Prekjučer je asfaltirana Poslovna zona u Misurićima, ali je tako kasno završeno da nisu stigli, htio sam ih zamolit da kad to završe da odu pokrpati još ovih nekolik rupa što ima. Vidjeli ste da smo u tom dijelu uradili rasvjetu koja nikad nije bila na tom području, to je bila zona sumraka.

Gospodin Ferić je pitao za regionalnu saobraćajnicu, neki dan je bio nadležni Ministar i mislim da ćemo s proljeća riješiti i ovaj dio i očekujemo da ćemo dobiti još sredstava za izgradnju dijela trotoara pokraj regionalne saobraćajnice.

Što se tiče pijace, jesam za to da pokušamo da olakšamo što više našim proizvođačima koji trebaju svoje proizvode da prodaju na pijaci, šverceri neka plaćaju ono što je zakonom propisano.

Stalno je bila dilema da li oni koji prodaju svoje proizvode poput mliječnih proizvoda da li moraju biti registrovani. Prošle godine smo tražili tumačenje nadležnog ministarstva i dobili smo ga. Trebaju biti samo registrovani kao poljoprivredno gazdinstvo. Dobili smo od Ministarstva da mogu prodavati svoje proizvode samo kao registrovano poljoprivredno gazdinstvo, što olakšava njihovo poslovanje.

Sad ima malo političkih zabadanja ili probadanja, ne znam šta vas interesuje. Ako vas interesuje sistematizacija možete je dobiti nije nikakav problem, nije mijenjana. Ako vas interesuje da vi donosite sistematizaciju ili da vaš šef upravlja s tim neće moći, to je nadležnost Općinskog načelnika. Sve ostalo napišite pismeno šta želite. Pitate ko je zaposlen, zaposleno je toliko da nisu popunjena mjesta ni onih koji su otišli skoro iz općinske administracije,

što u penziju, ili na neka druga radna mjesta. Ako me pitate hoće li biti zapošljavanja? Hoće biti zapošljavanja. Hoće i bit će to administracija koja radi na čelu sa Načelnikom, neće biti administracija kojom su upravljali iz stranaka.

Mehmed Bradarić, vezano za pijacu

Na adresu KJD prije ravno dva mjeseca i nešto malo više došlo je upozorenje od nadležne tržišne-kantonalne inspekcije i gdje nam kažu da moramo postupiti po njihovoj naredbi kad je u pitanju uređenje pijace, utvrđivanje pijačnog reda. Tamo su obaveze i upravitelju pijace KJD i date su obaveze trgovcima. KJD dužno je utvrditi pijačni red, KJD je dužno ograditi onaj prostor i dužno je napraviti jednu tablu na kojoj piše početak i kraj pijace, trajanje pijace itd.

Trgovcima je to malo veći zadatak i to je Federalni zakon koji ne važi samo u Maglaju, nego važi na prostoru čitave Federacije i on se sastoji u sedam koraka.

Prvi korak je da moraju potpisati ugovor i predugovor sa davaocem usluga, odnosno upraviteljem pijace to je sa KJD, moraju izvaditi dozvolu za rad u Općini, moraju napraviti pečat. Dva sljedeća koraka jeste ono što se tiče Poreske uprave i tu mi ne možemo ništa ni Načelnik ni direktor KJD. Sljedeći korak je vođenje trgovačke knjige i otvaranje računa kod poslovne banke. Ali je dilema bila, i to su oni svjesni bili su tamo i oni su od nas tražili određene benefite od KJD i mi smo na NO dozvolili neke benefite i oni su zadovoljni. Ali ono što je bila dilema, bilo je da li oni ljudi koji donesu dva-tri sira, jaja, moraju li i oni to uraditi. Na inicijativu Načelnika sjedili smo otišao je upit u Ministarstvo trgovine i došao je odgovor koji kaže da ovi poljoprivredni proizvođači na malo, ne moraju sve te korake proći, dovoljno je sam da odu u Općinu nadležnu Službi izvade potvrdu iz registra poljoprivrednog proizvođača i mogu slobodno tamo prodavati na pijaci. To je bila osnovna dilema, a što se tiče naših obaveza mi smo uputili zahtjev Vijeću, taj zahtjev nije došao i ako mi to ne uradimo na vrijeme slijede kazne. To je u Službi i ja očekujem da će se to vrlo brzo riješiti i kad se to desi mi idemo u ograđivanje tog prostora i bit će to lijepa uređena pijaca. To će pasti na teret KJD i mi ćemo to uraditi.

Sjednica završena u 17,40 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

